


Cofrestriadau dros dro TGAU a Thystysgrifau Lefel 1/Lefel 2 mis Tachwedd ar gyfer Cymru 2017

Uchafbwyntiau, Tachwedd 2017

30 Tachwedd 2017

Cofrestriadau TGAU Tachwedd 2017



- Roedd 54,845 o gofrestrïadau TGAU yng Nghymru ym mis Tachwedd.
- 4.5% yn llai o gofrestrïadau o gymharu â mis Tachwedd 2016.

Ffynhonnell: Cyrff dyfarnu - Cofrestriadau yn ôl casgliad Grŵp Blwyddyn, ar 25 Hydref 2017, Cymwysterau Cymru; 2016 - Ofqual

Cofrestriadau TGAU Diwygiedig yn ôl Pwnc



Roedd 22,670 o gofrestrïadau TGAU Mathemateg a 19,730 o gofrestrïadau TGAU Mathemateg – Rhifedd




Roedd 11,870 o gofrestrïadau TGAU Saesneg Iaith



Roedd 505 o gofrestrïadau TGAU Cymraeg Iaith

(Gweler [tabl 1](#))

Tachwedd 2017 Cofrestriadau TGAU yn ôl Grŵp Blwyddyn



(Gweler [tabl 1](#))

- Roedd cyfanswm o 50,190 o gofrestrïadau TGAU gan fyfyrwyr ym Mlwyddyn 11 ym mis Tachwedd 2017 (91.5% o gyfanswm y gofrestrïadau).

Y datganiad hwn

Mae'r datganiad ystadegol hwn yn darparu gwybodaeth am nifer y gofrestrïadau TGAU a thystysgrifau Lefel 1/Lefel 2 a gyflwynwyd i gyrff dyfarnu cyn cyfres Tachwedd 2017. Roedd gofrestrïadau TGAU eleni ar gyfer: Mathemateg, Mathemateg – Rhifedd, Saesneg Iaith a Chymraeg Iaith.

Mae'r datganiad hwn yn seiliedig ar ddata a gasglwyd gan gyrff dyfarnu, yn gywir ar 25 Hydref 2017.

Cynnwys

Cyflwyniad.....	2
Ystadegau.....	4
Rhestr termau.....	8
Nodiadau cefndir.....	10

Ystadegydd: Stefanie Taylor 01633 373 275

Ymholiadau gan y wasg: 01633 373 216

statistics@qualificationswales.org

comms@qualificationswales.org



CYFLWYNIAD

Cymwysterau Cymru yw rheoleiddiwr cymwysterau nad ydynt yn raddau a'r system gymwysterau yng Nghymru. O dan Ddeddf Cymwysterau Cymru 2015, ein prif nodau yw sicrhau bod cymwysterau, a'r system gymwysterau yng Nghymru, yn effeithiol o ran diwallu anghenion rhesymol dysgwyr yng Nghymru, a hyrwyddo hyder y cyhoedd mewn cymwysterau ac yn y system gymwysterau yng Nghymru.

O'r flwyddyn academaidd 2017/18, byddwn yn casglu ac yn adrodd ar ddata yng Nghymru ar gyfer cymwysterau cyffredinol. Cyn y flwyddyn academaidd 2017/18, [Ofqual](#) oedd yn casglu ac yn cyhoeddi data ar gyfer Cymru. Mae'r cymariaethau a wneir yn y datganiad hwn yn seiliedig ar ddata a gasglwyd ac a gyhoeddwyd gan Ofqual ar gyfer Tachwedd 2016.

Yn y datganiad hwn, rydym yn cyflwyno data ar nifer y cofrestriadau TGAU a thystysgrifau Lefel 1/Lefel 2 yng Nghymru ar gyfer cyfres arholiadau Tachwedd 2017. Mae'r ffigurau yn cynrychioli nifer y cofrestriadau, wedi'u talgrynnu i'r 5 agosaf, a gyflwynwyd gan Gyrff Dyfarnu erbyn 30 Hydref 2017, gan adlewyrchu'r sefyllfa ar 25 Hydref. Gall y ffigurau cofrestriadau newid yn ddyddiol hyd at ddiwrnod yr arholiadau. Gall y ffigurau cofrestriadau gynnwys mwy nag un cofrestriad ar gyfer disgyblion unigol ar draws y pynciau.

DYLANWADAU ALLANOL

Diwygio Cymwysterau

Yn dilyn [adolygiad gan Lywodraeth Cymru o gymwysterau ar gyfer pobl ifanc rhwng 14 a 19 oed](#) yn 2012, mae cyfres newydd o gymwysterau diwygiedig yn cael eu cyflwyno yng Nghymru. Ceir gwybodaeth am y newidiadau hyn, a rhestr o bynciau yr effeithir arnynt [ar ein gwefan](#).

Nifer gyfyngedig o bynciau sydd ar gael yng nghyfres mis Tachwedd o gymharu â chyfres yr haf. Ym mis Tachwedd 2017, cafodd TGAU diwygiedig mewn Mathemateg, Mathemateg – Rhifedd, Saesneg Iaith a Chymraeg Iaith eu sefyll gan ddysgwyr yng Nghymru. Mae nifer fach o gymwysterau eraill hefyd yn cael eu dyfarnu, gan gynnwys ailsefyll arholiadau TGAU 9-1 newydd yn Lloegr mewn Mathemateg a Saesneg, a chymwysterau gwyddoniaeth etifeddol tair gwlad.

Pan fyddwn yn defnyddio "TGAU diwygiedig" rydym yn cyfeirio at y cymwysterau TGAU sydd wedi'u diwygio i fodloni'r meini prawf cymeradwyo a nodwyd yng Nghymru.

Cyhoeddiad Llywodraeth Cymru

Gwnaeth Llywodraeth Cymru [gyhoeddiad](#) ar 16 Hydref 2017 ynglŷn â rheolau newydd sy'n gysylltiedig â chofrestriadau TGAU. Mae'r Ysgrifennydd Addysg wedi cyhoeddi, o haf 2019, mai dim ond cofrestriad cyntaf disgybl ar gyfer arholiad TGAU fydd yn cyfrif tuag at fesurau perfformiad ysgol. Cyn hynny y radd orau a gyflawnwyd oedd yn cyfrif.

Mae'r cyhoeddiad yn golygu y gallai graddau cyntaf a gyflawnwyd yn ystod y flwyddyn ysgol 2017/18 gan ddisgyblion blwyddyn 10 neu iau gyfrif tuag at fesurau perfformiad. Mae'r data cofrestriadau a nodir yn y datganiad yn adlewyrchu'r sefyllfa ar 25 Hydref 2017. Gan y gall cofrestriadau newid hyd at ddiwrnod yr arholiadau, ac oherwydd y gellir tynnu disgyblion yn ôl ar ôl eu cofrestru, gall y cyhoeddiad hwn effeithio ar nifer y cofrestriadau a nodir yn y datganiad hwn a fydd yn arwain at ardystiad, yn enwedig ar gyfer disgyblion ym mlwyddyn 10 neu is.

YSTADEGAU

COFRESTRIDAU TGAU

Tabl 1: Cofrestrïadau TGAU Tachwedd 2017 yn ôl Grŵp Blwyddyn


Pwnc TGAU	Blwyddyn 9 neu is	Blwyddyn 10	Blwyddyn 11	Blwyddyn 12	Blwyddyn 13 neu uwch	Cyfanswm
Mathemateg	*	230	20,350	1,495	590	22,670
Mathemateg - Rhifedd	*	220	18,880	495	130	19,730
Saesneg Iaith	*	0	10,480	1,185	205	11,870
Cymraeg	0	0	485	20	0	505
Arall	0	0	0	40	30	70
Cyfanswm	10	450	50,190	3,240	955	54,845

Ffynhonnell: Cyrff dyfarnu - Cofrestrïadau yn ôl casgliad Grŵp Blwyddyn, ar 25 Hydref 2017, Cymwysterau Cymru

Roedd 54,845 o gofrestrïadau TGAU ar gyfer cyfres Tachwedd 2017, gyda 54,775 ohonynt ar gyfer TGAU diwygiedig. Roedd y cymwysterau a oedd wedi'u cynnwys yn y categori 'Arall' yn cynnwys ailsefyll TGAU etifeddol tair gwlad mewn Gwyddoniaeth Ychwanegol A a Gwyddoniaeth B a TGAU 9-1 newydd Lloegr mewn Saesneg a Mathemateg. Gall y cofrestrïadau hyn ddod o ysgolion annibynnol.

Cofrestriadau pynciau TGAU diwygiedig yn ôl grŵp blwyddyn, Tachwedd 2017

TGAU Mathemateg a TGAU Mathemateg – Rhifedd



Ffynhonnell: Cyrff dyfarnu - Cofrestriadau yn ôl casgliad Grŵp Blwyddyn, ar 25 Hydref 2017, Cymwysterau Cymru

- Roedd 89.8% o'r cofrestriadau ar gyfer TGAU Mathemateg ar gyfer blwyddyn 11, o gymharu â 95.7% ar gyfer TGAU Mathemateg – Rhifedd.
- Cofrestriadau Blwyddyn 10 neu is oedd 1.0% ac 1.1% o gofrestrïadau ar gyfer TGAU Mathemateg a TGAU Mathemateg – Rhifedd yn y drefn honno.
- Roedd 9.2% o gofrestrïadau ar gyfer TGAU Mathemateg o flwyddyn 12 neu uwch, a 3.2% ar gyfer TGAU Mathemateg – Rhifedd.

Tabl 2: Cofrestriadau TGAU Mathemateg a Mathemateg - Rhifedd Tachwedd 2017 yn ôl blwyddyn

	Blwyddyn 9 neu is	Blwyddyn 10	Blwyddyn 11	Blwyddyn 12	Blwyddyn 13 neu uwch	Cyfanswm
TGAU Mathemateg						
2017	*	230	20,350	1,495	590	22,670
2016	0	295	22,575	175	25	23,070
TGAU Mathemateg - Rhifedd						
2017	*	220	18,880	495	130	19,730
2016	0	335	28,705	145	15	29,205

Ffynhonnell: Cyrff dyfarnu - Cofrestriadau yn ôl casgliad Grŵp Blwyddyn, ar 25 Hydref 2017, Cymwysterau Cymru; 2016 - Ofqual


Lleihaodd cyfanswm nifer y cofrestriadau ar gyfer TGAU Mathemateg ym mis Tachwedd 2017 1.7% o gymharu â ffigurau a gofnodwyd gan Ofqual ar gyfer Tachwedd 2016. Gwelwyd gostyngiad mwy o 32.4% yn TGAU Mathemateg – Rhifedd. Roedd Blwyddyn 11 yn cyfrif am 89.8% o gofrestrïadau TGAU Mathemateg ym mis Tachwedd 2017, a 95.7% o gofrestrïadau ar gyfer TGAU Mathemateg – Rhifedd.

Lleihaodd nifer y cofrestriadau blwyddyn 11 ar gyfer TGAU Mathemateg 9.9% ym mis Tachwedd 2017 o gymharu â ffigurau Ofqual ar gyfer Tachwedd 2016. Gwelwyd gostyngiad mwy o 34.2% mewn cofrestriadau blwyddyn 11 ar gyfer TGAU Mathemateg – Rhifedd. Gall y gostyngiadau hyn fod yn ymwneud â'r ffaith bod y flwyddyn 11 bresennol wedi cael y cyfle i sefyll yr arholiadau hyn am y tro cyntaf yn Haf 2017. Ni chafodd y flwyddyn 11 flaenorol yr un cyfle yn Haf 2016. Roedd [cofrestrïadau dros dro Haf 2017](#) a nodwyd gan Ofqual yn dangos bod 24.7% o gofrestrïadau ar gyfer TGAU Mathemateg, a 33.6% o gofrestrïadau ar gyfer Mathemateg – Rhifedd ar gyfer blwyddyn 10.

Roedd mwy o gofrestrïadau ym mlwyddyn 12 a blwyddyn 13 neu uwch ym mis Tachwedd 2017 o gymharu â'r ffigurau a nodwyd gan Ofqual ym mis Tachwedd 2016.

TGAU Saesneg laith

Cofrestriadau TGAU Saesneg laith yn ôl grŵp blwyddyn




- Ar gyfer TGAU Saesneg laith, cyfres ailsefyll yn unig yw Tachwedd 2017.
- Roedd 11,870 o gofrestrïadau Tachwedd ar gyfer TGAU Saesneg laith.
- Roedd 88.3% o gofrestrïadau Tachwedd TGAU Saesneg laith o flwyddyn 11
- Roedd 11.7% o gofrestrïadau Tachwedd ar gyfer TGAU Saesneg laith o flwyddyn 12 neu uwch

Ffynhonnell: Cyrff dyfarnu - Cofrestriadau yn ôl casgliad Grŵp Blwyddyn, ar 25 Hydref 2017, Cymwysterau Cymru

TGAU Cymraeg Iaith

Cofrestriadau TGAU Cymraeg Iaith
yn ôl grŵp blwyddyn



Ffynhonnell: Cyrff dyfarnu - Cofrestriadau yn ôl casgliad Grŵp Blwyddyn, ar 25 Hydref 2017, Cymwysterau Cymru

- Ailsefyll yn unig yw'r holl gofrestrïadau ar gyfer TGAU Cymraeg Iaith ym mis Tachwedd 2017.
- Roedd 505 o gofrestrïadau Tachwedd ar gyfer TGAU Cymraeg Iaith.
- Roedd 95.8% o gofrestrïadau Tachwedd TGAU Cymraeg Iaith o flwyddyn 11
- Roedd 4.2% o gofrestrïadau Tachwedd ar gyfer TGAU Cymraeg Iaith o flwyddyn 12 neu uwch

COFRESTRÏADAU TYSTYSGRIF LEFEL 1/LEFEL 2

Roedd cofrestriadau ar gyfer Tystysgrifau Lefel 1/Lefel 2 mewn Daearyddiaeth a Hanes. Roedd cyfanswm nifer y cofrestriadau ar gyfer cofrestriadau tystysgrif Lefel 1/Lefel 2 ym mis Tachwedd 2017 ar gyfer Cymru yn rhy isel i'w datgelu ar gyfer y datganiad hwn, yn unol â'n [polisi interim allbynnau ystadegol](#).

RHESTR TERMAU

Corff Dyfarnu

Sefydliad sy'n datblygu cymwysterau, yn nodi ac yn monitro asesiadau ac yn cyflwyno dyfarniadau i ddysgwyr, yn cydnabod y deilliannau dysgu yn ffurfiol (gwybodaeth, sgiliau a/neu gymwyseddau), yn dilyn gweithdrefn asesu a dilysu.

Mewn rhannau eraill o'r DU gelwir y rhain yn Sefydliadau Dyfarnu neu Fyrddau Arholi.

TGAU

Mae cymwysterau Tystysgrif Gyffredinol Addysg Uwchradd ar gael mewn amrywiaeth eang o bynciau. Cymwysterau TGAU yw'r prif gymwysterau Lefel 1 a Lefel 2 cyffredinol ar gyfer pobl ifanc 14-16 oed yng Nghymru. Gellir eu defnyddio fel sail i astudio neu hyfforddi ar lefel uwch, neu i gael mynediad uniongyrchol i gyflogaeth.

Cyfnewid

Mae ysgolion a cholegau yn cofrestru myfyrwyr sy'n cwblhau cymhwyster ac sydd am hawlio eu gradd derfynol yn y sesiwn arholi honno.

Blwyddyn 10

Myfyrwyr sy'n 15 oed erbyn 31 Awst 2018.

Blwyddyn 11

Myfyrwyr sy'n 16 oed erbyn 31 Awst 2018.

Blwyddyn 12

Myfyrwyr sy'n 17 oed erbyn 31 Awst 2018.

Canolfan

Corff sy'n cyflenwi asesiadau (a gweithgareddau eraill o bosibl) i ddysgwyr ar ran corff dyfarnu. Fel arfer, sefydliadau addysg, darparwyr hyfforddiant neu gyflogwyr yw'r canolfannau hyn.

Llinol

Caiff TGAU llinol eu cynllunio fel bod yr holl waith asesu mewn pwnc yn cael ei gwblhau ar ddiwedd y rhaglen ddysgu. Mae hyn yn golygu pob tro y caiff disgybl ei gofrestru gan ei ysgol neu goleg i gael dyfarniad gradd, bydd angen iddo/iddi sefyll pob cydran asesu ar gyfer y cymhwyster (arholiadau, ac ar gyfer rhai pynciau, ffurfiau eraill ar asesiad dan reolaeth).

Unedol

Caiff cymwysterau unedol eu cynllunio fel y gall disgyblion gwblhau unedau asesu ar bwyntiau gwahanol yn ystod y cwrs, gyda gradd derfynol yn cael ei chyfnewid ar ddiwedd y rhaglen ddysgu ar ôl i'r disgybl gwblhau pob uned. Ar gyfer cymwysterau TGAU, mae'n rhaid i ddysgwyr gwblhau isafswm o'r asesiad er mwyn cael cymhwyster yn y gyfres lle byddant yn cyfnewid.

NODIADAU CEFNDIR

Ar 21 Tachwedd 2017 cymeradwyodd Cynulliad Cenedlaethol Cymru Orchymyn Ystadegau Swyddogol (Cymru) 2017 a oedd yn enwi Cymwysterau Cymru fel un o'r cyrff sydd o fewn cwmpas Deddf Ystadegau a'r Gwasanaeth Cofrestru 2007. Fodd bynnag, o ystyried ein bod yn datblygu ein prosesau o hyd i sicrhau ein bod yn cyflawni ein swyddogaethau fel cynhyrchydd ystadegau swyddogol, nid yw'r datganiad ystadegol hwn wedi cael ei gyhoeddi fel ystadegyn swyddogol ar hyn o bryd. Er hynny, wrth baratoi'r datganiad hwn, nod Cymwysterau Cymru cyhyd ag y bo modd yw gweithredu mewn cydymffurfiaeth â [Chod Ymarfer Awdurdod Ystadegau'r DU ar gyfer Ystadegau Swyddogol](#).

Ffynhonnell Data

Mae'r cyrff dyfarnu sy'n darparu cyrsiau TGAU a thystysgrifau Lefel 1/Lefel 2 wedi cyflwyno gwybodaeth i Cymwysterau Cymru am nifer y cofrestriadau ar gyfer pob cymhwyster sydd ar gael ym mis Tachwedd 2017. Dim ond ar gyfer canolfannau sydd wedi'u lleoli yng Nghymru mae'r cofrestriadau, ni waeth pa fath o ganolfan ydyw. Mae'r datganiad hwn yn cwmpasu nifer y cofrestriadau wedi'u dadansoddi yn ôl pwnc ac oedran y myfyrwyr yng Nghymru yn seiliedig ar grwpiau blwyddyn ysgol (Blwyddyn 11 yw'r flwyddyn academaidd pan fydd myfyrwyr yn troi'n 16 oed).

Cafodd data sy'n ymwneud â chyfres [Tachwedd 2016](#) eu casglu a'u hadrodd gan Ofqual.

Cyfyngiadau'r data

Mae camgymeriadau posibl yn y wybodaeth a ddarparwyd gan gyrff dyfarnu. Felly, ni all Cymwysterau Cymru sicrhau bod y wybodaeth a gafwyd yn gywir. Mae Cymwysterau Cymru yn cymharu'r data dros amser ac yn gwirio ar gyfer problemau systematig. Cynhelir gweithdrefnau sicrhau ansawdd i sicrhau cywirdeb y data a'u herio neu eu cwestiynu, lle bo angen. Mae Cymwysterau Cymru yn rheoli'r broses hon yn barhaus drwy wneud y canlynol:

- Sicrhau bod darparwyr data yn glir ynghylch yr hyn sy'n ofynnol ganddynt ac yr ymgynghorir yn llawn â nhw yn ystod y cyfnodau cynllunio cychwynnol ac unrhyw gyfnodau newid dilynol;
- Atgoffa pob darparwr (os yw'n briodol) bod yn rhaid i'r holl ddata fod yn hollol gywir fel amod eu bod yn cael eu rheoleiddio;

- Bod yn wylidwrus o newidiadau annisgwyl yn y data a gyflwynir drwy gymharu ffurflenni unigol dros amser gan yr un darparwr;
- Herio unrhyw ganlyniadau annisgwyl gyda'r darparwyr data.

Gellir gohirio'r cyhoeddiad os nad yw'r ystadegau yn cael eu hystyried yn addas at y diben.

Mae data wedi cael eu casglu ar bwynt priodol pan fyddant wedi'u cwblhau'n rhesymol. Ar gyfer TGAU a thystysgrif Lefel 1/Lefel 2 y dyddiad oedd 25 Hydref 2017. Fodd bynnag, gall ysgolion barhau i wneud cofrestriadau hwyr hyd at ddyddiad yr arholiad, felly bydd cyfanswm nifer y cofrestriadau yn newid i gofrestriadau dros dro. O ganlyniad, mae teitl y datganiad hwn yn cyfeirio at gofrestriadau dros dro.

Cymariaethau

Ar gyfer 2017/18 bydd cyrff dyfarnu yn cyflwyno data i Cymwysterau Cymru yn hytrach nag Ofqual. Dylid cymryd gofal wrth ddehongli cymariaethau â data Ofqual hanesyddol.

Cwmpas Daearyddol

Mae'r datganiad hwn yn cyflwyno data ar nifer y cofrestriadau ar gyfer TGAU a thystysgrifau Lefel 1/Lefel 2 ar gyfer cyfres arholiadau Tachwedd 2017 ar gyfer canolfannau sydd wedi'u lleoli yng Nghymru. Nid yw'r datganiad hwn yn cynnwys cymwysterau TGAU a thystysgrifau Level 1/Lefel 2 a astudir y tu allan i Gymru.

Diwygiadau

Unwaith y byddant wedi'u cyhoeddi, nid yw data ar nifer y cofrestriadau fel arfer yn cael ei adolygu, er y gall datganiadau dilynol gael eu hadolygu i gynnwys data hwyr neu gywiro camgymeriad.

Cyflawnrwydd y data

Mae cyrff dyfarnu yn anfon data cofrestriadau i Cymwysterau Cymru ar gyfer yr holl gymwysterau rheoleiddiedig sydd wedi'u dosbarthu fel cymwysterau TGAU neu dystysgrifau Lefel 1/Lefel 2. Mae Cymwysterau Cymru yn cysylltu ag unrhyw gorff dyfarnu nad yw'n dychwelyd cyfres lawn o ddata o fewn y cyfnod casglu, i wneud yn siŵr fod y data mor gyflawn â phosibl. Ni chaiff cymwysterau Safon Uwch ac Uwch Gyfrannol eu dyfarnu yng nghyfres mis Tachwedd.

Talgrynnu a Chyfrinachedd

Er mwyn diogelu cyfrinachedd, ac yn unol â pholisi interim allbynnau ystadegol Cymwysterau Cymru, caiff yr holl ffigurau ar gyfer nifer y tystysgrifau a gyflwynir eu talgrynnu. Yn y sylwebaeth a'r tablau, maent wedi'u talgrynnu i'r 5 agosaf. Rhoddir * yn lle ffigurau llai na 5 ond mwy na 0. Mae hyn er mwyn sicrhau nad yw'r data yn datgelu ymgeisydd unigol. Mae'r holl ganrannau o fewn y sylwebaeth yn seiliedig ar ffigurau gwirioneddol. Mae'r ffigurau wedi'u talgrynnu'n annibynnol ac felly mae'n bosibl na fyddant yn creu swm cywir i'r cyfanswm.

Defnyddwyr yr ystadegau hyn

Mae'r ystadegau hyn yn debygol o fod o ddiddordeb i Cymwysterau Cymru, Ofqual, cyrff dyfarnu a Llywodraeth Cymru. Rydym yn croesawu adborth gan ddefnyddwyr, felly rydym yn disgwyl cael gwell dealltwriaeth o bwy yw ein defnyddwyr dros amser. Mae Cymwysterau Cymru yn defnyddio'r ystadegau hyn i lywio dealltwriaeth o batrymau cofrestrïadau.

Ystadegau a chyhoeddiadau perthnasol

Mae nifer o ddatganiadau ystadegol yn ymwneud â'r datganiad hwn, gan gynnwys y canlynol:

- [Datganiad](#) ystadegol cofrestrïadau mis Tachwedd a chofrestrïadau haf ar gyfer Lloegr (gyda data Cymru cyfatebol mewn tablau excel ar gyfer blynyddoedd academaidd hanesyddol) a gyhoeddir gan Ofqual.
- Y datganiad [Canlyniadau'r cyfrifiad ysgolion](#) blynyddol, a gyhoeddir gan Lywodraeth Cymru.

Gwybodaeth ddefnyddiol

Mae rhestr termau ar gael ar dudalen 5 i'ch helpu i ddehongli'r datganiad hwn. Ceir gwybodaeth am gyhoeddiadau yn y dyfodol ar [wefan](#) Llywodraeth Cymru.

Mae'r [gofrestr QiW](#) yn rhoi gwybodaeth am gymwysterau cymeradwy a dynodedig sy'n gymwys i gael arian cyhoeddus yng Nghymru.

Diweddariad nesaf

Tachwedd 2018 (dros dro).

Adborth gan ddefnyddwyr

Rydym yn croesawu adborth ar unrhyw agwedd ar yr ystadegau hyn y gellir ei ddarparu drwy e-bost i statistics@qualificationswales.org

© (h) (2017) Rhoddir caniatâd i ailgynhyrchu ar yr amod y cyfeirir at Cymwysterau Cymru fel y ffynhonnell wreiddiol.